

Universitätsbibliothek Paderborn

B. Annæ Christi Servatoris Nostri Aviae Maternæ

Cuperus, Laurentius

Antverpiae, 1591

An Mariæ, Iosephi coniugis, parentes incogniti? Caput primum.

urn:nbn:de:hbz:466:1-45194



*An Mariae, Iosephi coniugis, parentes
incogniti?*

Caput primum.

 Vamplurimum sanè derogauerit nobilitati Saluatoris nostri Iesu, si tanquam terræ filius quispiam obscurus habeatur, & nesciatur illa cuius fuerit filia, & hic quo pater satus & procreatus. Id ergo primum expediam; tenet enim quosdam adeo insanabile contradicendi cacoëthes, vt sicubì aliquos cauillos nancisci possint, protinus ab omnibus receptā tamen longissimōque tempore confirmatam sententiam orthodoxam audeant impugnare. Obiiciunt nobis Chrysostomum vbi dicit: Iosephi generatio ostenditur, Virgo autem quæ eius mater est non ostenditur, ex quibus parentibus, auiis, proauisque nascatur. Hæc ille. Ex quibus verbis historiam de S. Anna ut fabulam exhibant, quia Chrysostomus suis temporibus non men aui & auiae Christi incognitū fuisse scribat. Et mirum quām exultent victoriamque

canant

Obiecto.
Homilia
i.operib.
imperf.

*Cassilli
amotio.*

*Contra
Faustum
libr. 23.
cap. 9.*

canāt isti: Nostris, inquiunt, temporibus subitō increuit supersticio ut maluerint superstitiosi dicere: Ora pro me Anna cum filia, quām dicens Christe exaudi nos: Aras, templū, sacerdotia, festa, fraternitates Annæ aucta videmus hoc seculo, quæ nobis pueris ignota erant. Talia ex hoc futilissimo argumento impij colligunt ecclesiæ sanctæ catholicæ Romanæ hostes, quibus respondendum est libri illius autorem, quis quis ille fuerit (nā Chrysostomi non esse satis inter doctos constat) non negare quin alicundè ostēdi possit, quibus auis proauisq; maternis virgo Deipara sit nata, sed ex illo Matthæi loco euā gelij (de quo homilia eius est) certum non esse: quod verum est, sed multa sunt quæ in hoc euā gelij loco non sunt expressa quæ tamen firmiter Ecclesia credit. Quinimò ex euāgelio sancti Lucae auos & proauos Christi postea fauore Numinis docebimus ostendi posse. Et quanquā ex euangelijs non omnia quæ de parentibus Mariæ & Iosephi coniugis eius Ecclesia tenet cognosci possent, attamen ea partim ex euangelio, partim ex sanctis Ecclesiæ Patribus, Ignatio, Hieronymo, Cyrillo Alexandrino, Ioanne Damasceno, feruentissimis Mariæ cultoribus, & eiusdē contra varios hostes hæreticos (Heluidium, Nestorium, & cæteros) propugnatoribus ostendi possunt, quos omnes suo loco producam. Sed quoniam beati quoque Augustini verba nobis opponere possent, ea adduçam, & sunt hæc:

Quod

Quod, inquit, Maria patrem habuerit ex tribu Leui sacerdotem quendam nomine Ioachim, quia canonicum non est, non me constringit. Et iterū eodem capite; Si mater illius Ioachim, quem patrem Mariæ Faustus commemorat, de tribu Iuda & genere Dauid nupsit in tribu Leui, non immeritò & Ioachim & Maria, & Mariæ filius, etiam sic ex semine Dauid veraciter perhibetur: hoc ergo vel tale aliquid potius crederem, si illius apocryphæ scripturæ, vbi Ioachim pater Mariæ legitur, autoritate detinerer, quam mentiri Euangelium. Ex quibus B. Augustini verbis historiam de S. Anna & Ioachim non esse canonicam, sed apocrypham colligi posset, ideoque nec pro vera indubitataque recipiendam, verum pro conficta fabella in medio relinquendam, ac adiaphoram indifferentemq; (siue credas siue non credas) relinquendam. Respondendum est hanc non fuisse mentem Diui Augustini. Apocrypha enim bifariam intelliguntur: Priore modo apocrypha habentur ea scripta quæ tametsi vera & certa sunt, & ab Ecclesia tacito consensu recepta, ideo tamen apocrypha appellantur, quia eorum scriptor vel author ignoratur. Posteriore modo, illa nominantur apocrypha, ut scribit Ioannes Driedo, de Dogmatibus Ecclesiasticis, & post hunc Sixtus Senensis in Bibliotheca sancta, quæ absconditæ, ignorantæ & incertæ sunt autoritatis, quia ecclesiastici patres diffinire ausi non fuere, vtrum

*Impugna
tio alia.*

Solutio.

Li. I. ca. 4.

essent à scriptoribus suis ignotis etiam illis à Spiritu sancto afflatis conscripta, & propterea noluerunt ea, vel ad confirmationem dogmatum Christianæ fidei, proferri, vel ad plebis edificationem publicè in ecclesia legi, aut in templis pronunciari, sed priuatim & domi tantum, quales sunt tertius & quartus Esdræ libri, appendix item in Esther, atque his affines scripturæ. Solet etiam in Decretis Pontificum apocryphi nomen ad interdicta & damnata prorsus hereticorum scripta interdum referri. Hæc Senensis. Quanquā igitur B. Augustinus contra Faustum, cīspitans nominet apocryphum illud scriptum in quo Ioachim legitur pater Mariæ & Anna esse eiusdem mater, non idcirco hoc facit, ut interdictam, damnatam aut falsam esse hanc historiam affirmet, sed ut ostendat primū huius scripti autorem apocryphum id est ignotum fuisse primitiæ patribus Ecclesiæ, tametsi ipsam historiam crediderint esse veram, saltem hac in parte qua narratur Mariæ Virginis patrem esse Ioachim, & coniugem eius Annam Mariæ matrem esse. Epiphanius enim contra Antimarianos scribens, Ioseph Mariam nouerat, inquit, formatione mulierem & foemina natura ex matre Anna, & ex patre Ioachim, & cognatam Elizabet ex familia Dauid; non nouerat autem quod tali gloria honorandus esset aliquis in terra, maxime mulier aliqua. Neq; Diuus Augustinus hanc reiicit aut vilipendit historiam

Libr. 3
Tom. 2.

historiam B. Annæ, sed quia Faustus iste hæreticus Manichæus, Iudeorum perfidiam propugnans Catholicis obiiciebat Mariam de tribu & sanguine Regis Dauid non esse, in qua nec patrem nec matrem vñquam esset consequuta, cō quod pater Virginis Ioachim de stirpe Sacerdotali, seu de tribu Leui scribitur fuisse: ea propter si alterutrum, inquit Augustinus, scriptum esset reiiciendum, potius hoc reiicerem, quām credere mentiri Euangelium, quod apertè docet Christum ex Dauid fēmine satum esse. Eò collimabat Augustinus, vt Mariam & eius filiū de regia simul & sacerdotali stirpe natos assereret. Quapropter in Opere de consensu Euangelista rum; Mariam ait, de stirpe Dauid aliquam consanguinitatem duxisse, dubitare vtique noui debemus: cuius fœminæ quando nec Sacerdotale genus facetur insinuante Luca, quòd cognata eius esset Elisabeth, quū dicit de filiabus Aarō, firmissimè tenendum est, carnem Christi ex vtroque genere propagatam, & regū scilicet & sacerdotum, in quibus personis (Sacerdotibus nempe & regibus) apud illum populū Hæbreorum etiam mystica vñctio figurabatur, id est, Chrisma, vnde Christi nomen elucet. Hacc Augustinus. Sanè si quis diligenter obseruet, videtur in diuina scriptura coniunctionem matrimonij inter tribum Pontificiam & Regiam aliquoties accidisse: Aaron siquidem de tribu Leui accepit vxorem Elisabet, filiam Aminadab de tribu

Libr. 2.

Cap. 2.

Luca 1.

Exod. 6.

2. Paral.

22.

*De ortho
doxa si-
de lib. 4.
cap 15.*

tribu Iuda sororem Naasson. Et iterum Iosabet filia Iorā regis Iuda nupsit Ioiadæ pōtifici de tribu Leui. Reētē igitur Epiphanius Ioachim ex tribu regia seu ex domo Iuda duxisse Annam ē tribu Leui scribit. Confirmat eandem sententiam Ioannes Damascenus hisce verbis: Ex serie Natā filij Dauid, Leui genuit Melchi & Panter. Pāter genuit Barpāter. Barpāter genuit Ioachim Ioachim genuit S. Mariā. Ex serie autē Salomo nis filij Dauid, Matthā duxityxorē ex qua genuit Iacob Mortuo enim Mattliā, Melchi qui erat ex tribu Natā, filius Leui frater verò Pāteris sump sit sibi vxorē viduā Matthī, matrē Iacob & Eli: Iacob quidē ex tribu Salomonis, Eli verò ex tribu Natā. Defuncto autē Eli ex tribu Natā sine liberis, accepit Iacob frater eiusvxorē & suscitauit semē fratri suo & genuit Ioseph virū Marię. Hęc Damascenus, qui quanquāin explicazione modi quo descēderit Ioseph ex familia Dauid, nō omnino cōuenit cū Eusebio Cæsareæ Episcopo, & Julio Africano, atq; Ambrosio Episcopo Mediolanēsi, vt infrā ostēdā, attamē in hoc consentiūt omnes Ioachim & Annā de regia & sacerdotali profapia natos, parētes esse Mariæ virginis matris, atque huius coniugem esse Ioseph. Quibus & irrefragabilis fidei autorem Diuum adiungo Hieronymum scribentem in hęc verba: Igitur beata & gloria sempérque Virgo de stirpe Regia & familia Dauid oriunda, in ciuitate Nazaret nata, Hierosolymis in templo Domini enutrita

enutrita fuit. Pater eius Ioachim, mater vero Anna dicebatur. Domus paterna est ex Galilaea & civitate Nazareth. Maternum autem genus ex Bethlehem erat. Vita eorum recta & implex apud Dominum, apud homines irreprehensibilis & pia. Hæc ille. Quanquam Erasmus Roterdamus nulla producta causa hanc non esse diu Hieronymi epistolam censet. Sextus autem Senensis de eadem epistola sub litera M. ita scribens, Matthæus Evangelista fingitur, inquit, esse autor duorum librorum, quorum alter De ortu siue stirpe Mariæ, alter De infantia Salvatoris inscribitur, qui Valentinorum & Gnosticorum commenta sunt. His libris ineptri quidam autoritatem assertare cupientes, Præfationes addiderunt sub nomine Chromatij & Heliodori Episcoporum ad Hieronymum, & Hieronymi ad ipsos confitatas, quæ utrumque Opus testantur a Hieronymo in gratiam corundem Episcoporum ex Hebreico Matthæi volumine translatum, & ab hereticorum falsationibus expurgatum. Sed cum in his libris eadem nunc extant aniles fabulæ, quas Irenæus in primo aduersus Valentinorum hereses, & Epiphanius primo Panarij, sectione tertia, ex iisdem voluminibus refellunt, palam apparet impostorū deceptio. Gelasius Dicit. 15. inter libros ab Ecclesia damnatos utrumque abiicit. Hæc Senensis. Evidem inuenio Epiphanium contra Valentinos, qui & Gnosti appellantur, Irenæi locum perlongum descrip-

*Censura
eideme.
piſt. pra-
fixa.
Bibliothe-
ca lib. 2.*

*Libr. 1.
tom. 2.
Hæresi 31*

Libr. I.
Tom. 2.
Heres. 26

Libr. I.
Cap. 17.

Iean. 7.

descripsisse, sed nihil omnino, in epistola de na-
tiuitate Mariæ beato Hieronymo attributa, cō-
peritur, quod in suis libris Irenæus & Epiphanius
refellunt: nam sic Epiphanius: Stirpem, in-
quit, Mariæ, librum quendam esse dicunt, in
quo horrenda quædam ac perniciosa expri-
mentes referunt: exempli causa Zachariam pa-
trem Ioannis Baptiste, quum suffitum faceret,
vidisse à dextris altaris hominem quendam stan-
stem asini formam habentem, & quia visionem
eloqui vellet ac dicere: Væ vobis quem ado-
ratis: oris obstructionem pertulisse, sed reddita
ei loquela euulgasse visionem, & propterea oc-
cisedum à populo, cautumque esse ut Sacerdos
quando templum Domini ingressurus esset tin-
tinnabula ad simbriam gestaret pendētia, ne ex
improuiso deum asinum videret. Quod impiū
commentum istic refutat Epiphanius. Irenæus
verò reprehendit & aliud Gnosticorum impu-
dens figmentum, scilicet quod Christus puer di-
dicerit litteras, & iussisse ei magistrum diceret
A. ac Christum respondisse A. iterumque dixis-
se magistrum diceret B, sed Christum respon-
disse, dic mihi quid sit A, & ego dicam tibi quid
sit B. Hæc Ireneus. Verùm quum ex Euangelio
clarum sit Christum non didicisse litteras, sicut
& perspicuum est non Zachariam, sed Aarō ge-
stauisse tintinnabula, intelligimus abunde hæc
esse portentosa Gnosticorum hereticorum com-
menta. Sed quid hæc ad epistolam illā siue verò
siue

fure falso D. Hieronymo inscriptam, vbi aniles fabule nec istae nec similes extant? quæ quia nil nisi rerum gestarum notitiam continet, neque secretioris aliquid vel occultioris intelligentie, quam Gnostici docebant, habet: propterea saluo semper S. Romæ Ecclesiæ iudicio, nullum labefactandæ fidei catholice in ea periculū est. Et nihil in sequenti Opusculo ex ipsa citabimus epistola quod nō alijs quoque ecclesiæ patribus cōprobabimus. Hoc tantummodo nunc positū sit beatissimæ virginis matris Mariæ parentes incognitos non esse, præsertim quādo iā S. Romana ecclesia Dormitionem S. Annæ matris eiusdem virginis ad septimum Calendas Augusti in Romanum Calendarium, seu nouum Martyrologium inscripsit, sicut & ad decimū quartum Calendas Apriles, festum sancti Ioseph sponsi gloriose eiusdem Virginis, & postridie festum sancti Ioachim patris eiusdem Virgunculæ Mariæ constituit, iussu Gregorij xiiij. Pontificis Romani nuper editum. Græci quoque Conceptionem B. Annæ, qua Mariam eadem concepit nono die Decembris in suum Calendarium siue Menologium retulerunt. Vide Bibliothecam sacram Margarini Parisiensis in octo tomos distinctam. Dormitionem quoque Beatæ Annæ 26. Iulij etiam Græci sicut nos Latini colimus. Quin & Iustinianum Imperatorem D. Annæ decoram & augustam ædem sacram construxisse Constantinopoli, in urbis regione secunda

*Libr. I. de
adificijs
Iustinia.*

cunda sub annum Domini CCCCC XXXV.
autore est Procopius Cesariensis. Sed quomodo
ex his parentibus Joachim & Anna sit genita
haec Virgo, quoniam paulo post aptior narran-
di locus erit, nunc quam antiquo itemmate Vir-
go & eius coniunx Ioseph illuitres sunt aperiā.

*Quam gloriofa stirpe Ioseph & Maria
clareant.*

CAPVT II.

QUAM sanguine longo horum coniugū
gentilitia claritas exorta sit, ut infallibiliter
ostendam, eorundem ex D. Luca
Euangeliographo proferam genus, sed alio quā
apud nos est ordine, nimur inuersō: ut ab A-
dam & Deo altissimo, in quem ip' ē definit inci-
piamus. Sicut enim Adam fuit Dei filius forma-
tione de limo terrae, ita & Iesus Mesias est na-
tura Dei filius, qui tamen, ut ex Deo diuinitatē,
sic quoque ab Adam, id est, ab Homine humani-
tatem in vna persona possidet perfectus Deus,
perfectus homo, equalis Patri secundum diuini-
tatem, minor Patre secundum humanitatem:
qui licet Deus sit & Homo, non duo tamen sed
vnum est, qui proprio nomine Hebraico IESVS,
Græco Soter, Latino Saluator vocatur: cogno-
mine autem Hebraicè Messias, Græcè Christus,
Latinè appellatur Vnctus. Idem hic est admirabile